



淨土聖賢錄

釋淨空敬題



淨土聖賢錄

高雄淨宗學會印贈

❀ 量無德功 · 印翻迎歡 ❀

願以此功德 回向
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

【緣結費免 · 品送贈】

由中華民國八十二年四月印贈壹仟冊

淨土聖賢錄

印贈者：高雄淨宗學會

贈送處：高雄淨宗學會

地址：高雄市鹽埕區七賢三路二三六號

電話：(〇七) 五二一九九八八

贈送處：華藏佛教圖書館

地址：台北市文山區景中街三〇巷一二號五樓之三

電話：(〇二) 九三四二〇一〇

承印者：佳芳印刷有限公司

電話：(〇二) 三〇七二二五五

大佛

頂如來密因修證了義

諸菩薩萬行首楞嚴經

若眾生心

憶佛念佛

現前當來

必定見佛

印光老法師慈訓

無常迅速
輪迴路險
老實念佛
莫換題目

替父母求生淨土始言大孝

南無阿彌陀佛

為自己多種福田方報親恩

◎佛教是佛陀對九法界眾生至善圓滿的教育。

◎釋迦四十九年所說的一切經。內容就是說明宇宙人生的真相。人生就是自己。宇宙就是我們生活的環境。

◎知覺名佛菩薩，不覺名凡夫。

◎修行就是將我們對宇宙人生錯誤的看法。想法、說法、做法，加以修正。

◎佛教的修行綱領是覺正淨。覺而不迷，正而不邪，淨而不染。並依戒定慧三學，以求達到此目標。

◎修學的基礎是三福，待人依六和，處世修六度，遵普賢願，歸心淨土。佛之教化能事畢矣。

淨土聖賢錄排印流通序

淨土法門。廣大如法界。究竟若虛空。一切法門。無不從此法界流。一切行門。無不還歸此法界。天姿聰明者。每以事簡易而理庸常。遂致不加詳審。不但自不修習。且復發爲議論。阻止破斥。他人之修持。以顯己之高明。此正所謂徧觀六合而不見眵毛。盡知諸法而不識自己之世智辯聰。自視爲宗教皆通。佛稱爲可憐憫者。不思華嚴歸宗。在于求生淨土。文殊普賢。通皆發願往生。此其人爲何如人。此其事爲何如事。吾儕縱稍明教義。而煩惑未斷。生死未了。一經再生之變。能不迷失乎哉。坏器未燒。經雨則化。此如來特開淨土法門。俾上聖下凡。同于現生。直出生死之所以也。况彼二大士。久已成佛。示居等覺。以身率物。發願求生。我何人斯。敢與彼抗。如是詳審。定必幡然改圖。遵如來普度聖凡之教。隨文殊普賢馬鳴龍樹遠公智者善導永明等諸大菩薩祖師之班。一致進行。以十大願王。回向往生西方極樂世界。以期圓滿佛果。作究竟大丈夫。誰肯以此大利益。甘讓他人。而自己安住三界火宅。常受焦灼也。

哉。自大法東來。親證三昧。現生得道而往生者。與具足煩惑。仗佛慈力。得以帶業往生者。何可勝數。清乾隆間。彭際清居士。飭其姪希涑。輯錄往生淨土諸傳。首彌陀。以示立此法門之教主。次觀音。勢至。文殊。普賢等。以示闡此法門之聖衆。次往生比丘僧尼。王臣。士庶。女人。物類。以示往生淨土之四衆。共五百餘人。名曰淨土聖賢錄。是爲初編。其間若聖若凡。若智若愚。同入如來大誓願海。以漸證夫常寂光樂。觀此知淨土法門。猶如大海。普納衆流。亦如太虛。徧含萬象。盡法界衆生。無一人不攝其中。盡法界諸法。皆由此得其實際。以其爲如來一代時教之特別法門。三世諸佛之總持要道故也。至道光末。蓮歸居士胡珽。輯乾隆後之往生者。得百數十人。名爲淨土聖賢錄續編。咸同之際。兵劫瀾漫。提倡者少。稍形寂寥。近來世道人心。愈趨愈下。凡具通方眼。拯救世心者。莫不提倡因果報應。信願念佛之法。具正知見者。無不靡然風從。故數十年來。又輯二百餘人。名爲淨土聖賢錄三編。此稿乃德森師所輯。今已排竣。故爲敘其緣起。在昔無輪船。火車。郵局。報館。雖地鄰疆址。每各不相知。故古之

法道大興。而所記往生者。千數百年。祇數百人耳。一以記錄缺乏。一以古書散佚。若如今之各事便利。雖數十萬。亦不爲多。閱者切不可以古論今。謂爲未必皆實。亦不得以今論古。謂爲法未大興。試思善導在長安。少康在新定。念佛之聲。盈于道路。其往生者。當不止百千萬億。今則千里之遙。朝發夕至。加以郵電報紙。故雖數千里外。悉可卽知。然猶多有未記者。使一一記之。真不勝其多也。願舉世之人。各以敦倫盡分。閑邪存誠。諸惡莫作。眾善奉行。爲基址。真爲生死。發菩提心。信願念佛。求生西方。爲修持。則生爲聖賢。徒侶。沒入如來封疆。其爲利益。非佛莫知。普願見聞。各各勉旃。民國二十二年。歲次癸酉。仲夏。常慙愧僧釋印光謹撰。

淨土聖賢錄原序

至哉淨土之教。其諸聖人所由以踐形者乎。孟子曰。形色。天性也。知形色之爲天性。則不容離土以言心。知天性之爲形色。則不容外心以求土。離土以言心。是以天性爲有外也。其所謂心。一介然者而已矣。外心以求土。是以形色爲有外也。其所謂土。

一塊然者而已矣。是皆不明乎踐形之說者也。華嚴圓教。理事無礙。事事無礙。普賢偈曰。一切刹海劫無邊。以一方便皆清淨。此踐形之極則也。又曰。願我臨欲命終時。盡除一切諸障礙。面見彼佛阿彌陀。卽得往生安樂刹。此踐形之正軌也。或以毗盧遮那徧一切處。何得徧指西方。有乖全體。曾不知華藏海中。一塵一毛。具足十方無邊器界。極樂莊嚴。亦復如是。然則但見阿彌陀一佛。卽已徧見十方諸佛。但生西方極樂一土。卽已徧歷十方佛土。何以故。卽一卽多。無二無差別故。唯此法門。我釋迦世尊。金口所宣。十方恆河沙諸佛所共讚。諸大菩薩流通護持。轉轉無盡。自大教東來。單傳直指外。以念佛得度者。若縑若白。未易悉數。際清素服儒風。兼修淨行。常欲薈萃舊聞。用資警策。而日力倉卒。因循至今。會兄子希涑。初發信心。願成此錄。以堅向往。因爲標指體要。載稽經論。次支那著述。續以耳目所及。斟酌損益。勒成一編。名之曰淨土聖賢錄。庶幾見聞隨喜。得預法流。一念歸誠。同登彼岸。豈不善哉。詩有之。緡蠻黃鳥。止于邱隅。夫淨土亦聖賢之邱隅也。隨其心淨。則佛土淨。得所止矣。而下

學之功莫先於知止。故曰。於止知其所止。可以人而不如鳥乎。經云。彼國常有白鶴。孔雀。鸚鵡。舍利。迦陵頻伽。共命之鳥。晝夜六時。出和雅音。其音演暢五根。五力。七菩提分。八聖道分。如是等法。其土衆生聞是音已。皆悉念佛念法念僧。心耶。土耶。形色耶。天性耶。直下知歸。絕諸戲論。蓮華種子。只在當人。覽是錄者。其諸有樂於踐形之說矣乎。踐形者。往生之謂也。乾隆四十八年孟春之月。淨業學人彭際清撰。

淨土聖賢錄發凡

一。凡錄往生者。祇載支那著述。至經論所明淨教緣起。多從闕略。譬之治河。不由積石。導江。不自岷山。既昧其原。其流將壅。茲首標教主。著所宗也。次觀音勢至。明有輔也。普賢文殊。左右遮那。而同讚西方。同揚淨業。故知十方諸大菩薩。莫不以淨土爲歸矣。至如西天諸祖。及諸論師。卽不盡著往生之驗。而旣登果地。豈局東西。凡諸議論。有關斯教者。亦並著之。廣資勸誘云爾。

一。華嚴入法界品。如德雲比丘。解脫長者。裨瑟胝羅居士。俱不離念佛而入解脫門。

乃至一念之頃。現無邊刹土。見無量諸佛。斯唯達自心原。窮諸行海。方能親證。如斯三昧。修淨業人。決當剗心頂受。然事屬通途。不專一刹。理周沙界。匪局西方。儻濫入此編。恐有乖全例。故概略其文。獨標其義如此。

一、歷代高僧傳。佛祖統紀。佛祖通載諸書。但載諸師事蹟。而議論激揚。概從簡棄。雲棲往生集。又唯標事驗。行實罕詳。遂可合張李爲一身。溷淄澠而同味。覽未及終。倦而思臥者多矣。茲則該羅細行。圓具全身。綜貫千章。獨標警策。如智者十疑論。紫閣寶王論。永明萬善同歸。虎溪蓮宗寶鑑。天如或問。鄞江直指。西齋淨土詩。雲棲法彙。截流警語。以及方內諸公種種論述。網全帙而難周。掇片言而奚欠。用代遁人之詔。宛同天鼓之鳴。願諸仁者。敬而聽之。

一、向之錄往生者。必著事驗。事驗無聞。遂多闕漏。雖然。不覩其形。願察其影。但自淨心。往生何待。首楞嚴經云。若飛心中。兼福兼慧。自然心開。見十方佛。一切淨土。隨願往生。故知紫閣。天衣。中峯。天如。妙叶。空谷。憨山。諸尊宿。及陳瑩中。馮濟川。諸前

輩。密因有在。正果非虛。撒手便行。不移跬步。何待臨終十念。始能決定往生。不宜逐迹而求。轉乖教理。

一。往生集。曲爲時宜。唯以吉祥善逝爲高。其捐軀舍命者。概不錄。雖慮出萬全。而事難一概。普賢行願品言。毗盧遮那如來。從初發心。精進不退。以不可說不可說身命而爲布施。六度經中。廣明斯事。故如此錄。靜藹爲法捐軀。常愍忘身濟物。悲心深廣。淨願堅牢。載覽遺言。猶懷悚厲。他如善導。志通文輦。慧誠超城。諸公速捨報身。求生淨土。神明安定。不震不撓。是則以普賢願王。回向彌陀法界。憑茲猛烈。不退菩提。如斯榜樣。祇應隨學。詎可輕排。然則魔可毋慮乎。曰。魔之與佛。只在一心。但辦正因。決成正果。了知四大本空。五蘊非有。當捨身時。如遺迹。委蛻等。誰爲能捨。誰爲所捨。然則刀山火聚。悉是道場。寶樹華池。不離當處。是心是佛。是心作佛。夫何遠之有。如其三昧未成。我執未化。祇因欣厭之情。激成取捨之行。竊恐痛苦所逼。煩惱轉強。九品難期。波旬得便。雲棲所慮。良在於斯。末法行人。切宜自審。

一從上諸家紀述繁簡不齊雅俗並奏。不經甄別。難免淆訛。茲斟酌舊文。參稽往牒。加之潤飾。就我準繩。要於本旨。初無乖刺。仍各注原書。以明左證。

一淨土諸書。標指古德。概以師稱。而高僧傳。則凡屬二名。但舉一字。此錄前有佛菩薩。後有宰官居士。若不書名。頗難合轍。故於出家二衆。準高僧傳。但書一字。其在家者。準前史例。仍書二名。

一往生集。載周續之臨終見佛。合掌而逝。考諸前史。及東林傳。都無此文。當屬後人和會。又載白樂天。蘇子瞻。張天覺。三人。謂據因考果。當生西方。夫白公雖有繪圖迴向之誠。而平生信樂。多在兜率。集中文句。確然可徵。集中畫彌勒上生幀記。次畫西方幀記之後。並題兜

成五年三月。或謂白先斬兜率。後歸安養者。非也。

子瞻臥病時。向徑山長老口占偈言。灑然解脫。洵爲希

有至語。及西方。則曰西方不無。然箇裏著力不得。夫修淨業者。必具三心。所謂深心。至誠心。迴向發願心。乃至臨終十念。未有不由著力而得者。至云著力不得。則三心未具。難保往生。無盡居士。深入法源。眼空四海。今所錄發願文。有類童蒙。頗

同寒乞。與他所傳文字不類。亦未可信。故并刪之。

一居士傳。善女人傳。所錄諸賢。必徵素行。苟有瑕疵。概從簡斥。茲則但以末後爲憑。不論既往之失。故如雄俊。惟恭之輩。鍾馗。善和之徒。既登末品。便預聖流。其他概可知矣。是知彌陀願力。極樂莊嚴。如大海不拒夫百川。杲日不遺於一孔。但肯回心。都無棄物。凡屬有情。普應信受。

右鄙見數條。當是錄草創之始。卽口授希涑。每一篇成。輒爲隨手勘定。全帙既具。大旨無乖。復筆之簡端。以告來者。淨業學人彭際清記。

淨土聖賢錄偈

淨業弟子彭希涑述

大哉衆生心。微妙難思議。究竟如虛空。無一法可得。普能作佛事。
成熟菩提果。一念不自覺。迷妄起空華。由諸業力持。建立十方土。
衆生於其中。顛倒靡已時。百萬有八千。亂想無根緒。七趣如輪轉。
了達唯一心。心心互周徧。剎剎分勝劣。或淨寶莊嚴。或瓦礫穢聚。

攝盡微塵衆。	轉彼穢濁居。	深心迴向心。	隨順修多羅。	東西非望礙。	香水無邊刹。	聞言盡狂惑。	他方諸衆生。	十方莫能比。	諸佛普住持。	苦多而樂少。	或照曜明朗。
華開彈指頃。	悉作蓮華藏。	願捨此堪忍。	嚴淨佛國土。	良哉諸上人。	光明互徧滿。	不知是淨土。	起心信慕者。	備諸珍寶性。	隨所宜說法。	或餓鬼充滿。	或無日月光。
畢入菩提場。	我今說偈已。	疾生清淨域。	我今普歸依。	善能了實相。	念佛便見佛。	我心所畢具。	佛力悉加護。	有情所愛樂。	彌陀大願王。	幽魄長叫喚。	或菩薩住處。
	頂禮諸賢聖。	佛力不可說。	讚歎并隨喜。	知諸法如夢。	求生便往生。	凡夫一念間。	命終得往生。	正覺華化生。	發心取淨土。	或純現地獄。	安隱壽無量。
	願舒白毫光。	心力不可說。	乃至誠心。	而不趨寂滅。	如取自家珍。	諸佛悉炳現。	嗟彼無智人。	聞法悟無上。	成就安樂刹。	碾磑受苦楚。	或是雜生居。